

قونقا قديم زماندا مودرنه تدن بير نوماد

صلي توركي اولان و روس ديلينه ده يول تاپان «قونقا» سؤزونون معناسي چرخ و تکردير کي همان غريليرين ترامواسي سايلير و 1280 هيجري قمري ايلينده نچه نفر تبريزلي خيبر اينسانين هيمني و «قاسم خان امير تومان» بن چاليشماسي اينن تبريزده دوزلدي.



اصلي توركي اولان و روس ديلينه ده يول تاپان «قونقا» سؤزونون معناسي چرخ و تکردير کي همان غريليرين ترامواسي سايلير و 1280 هيجري قمري ايلينده نچه نفر تبريزلي خيبر اينسانين هيمني و «قاسم خان امير تومان» بن چاليشماسي اينن تبريزده دوزلدي. قاسم خان امير تومان فرانسه نين سن سير دانيشگاهيندا درس اوخوموش و تبريزين بيرينجي شهرداري اولاندا سونرا، قورقوشوم چاپخانا، برقي چيراق و تليفونو اولکده بيرينجي دفعه اولاراق تبريزه گتيردي.

بو نقلیه وسیله کي بيناسي قوويلان گوندن اوروپا اولکهلريندن ايلهام آلماغينان «تراموا» آدلانميشدي، آذربايجانين تزار روسيه سي طرفيندن ايشغال اولان زمانين اولانلارين بو وسیله دن ايشتيفاده ائله ماقلارينا گوره ياواش ياواش قونقا آدلاندي. روسلار 1288 هيجري شمسي ايلين ارديهشتين 9-وندان 1296-جي ايلينه جن آذربايجاني ايشغال آلتيندا ساخلاديلار.

قونقا 1320-نين شهريورينه جن ايشليردي و بو زماندا آذربايجانين شوروي قوشونو طرفيندن ايشغال اولماغينان هميشه ليق ايشدن توشدو.

اؤز زمانيندا يوخاري اهميتي اولان بو وسیله تبريزلي لر اوچون نقلیه وسیله سيدي و ايندي ده دوزلمه سيندن 110 ايل کئچمه سينه باخمياراق، اونون موجسمه سي نوريستلرين ديفتيني جلب ائلير.

شکسيز تبريزده قونقانين دوزلمه سي و يولا سالماسي شهرين بوگون کي موديرلرینه اولگو اولد بيلر کي لاب آز هزينه اينن و يوخاري هيمني و عزمين ائليه بيلدیلر شهر ايجينده حمل و نقل مسأله سين راحتلادالار و جماعتين وقت و انرژيسينده قناعت ائده لر.

قونقانين يولا سالماسيندا ديفت ائله م لي مسأله بوراسيدير کي او زمانين بؤيوکلرين چاليشماقلاري شهر زيبييل لريني بيغماق ايددي کي شهرين ديك چوخور اولماسي زيبييل لرین داشيماسين چينله ديردي و زيبييل لري دؤرد اياقلي لاريناندا داشيماق چتين اولوردو.

بونا خاطر آت ترامواسي خطيني قورماق لاب ياخچي يوليددي کي وارطان آدلي بير پئيمانکار اونون موقدماتي ايشلرين گوردو و البته تاريخي سندلره گوره اونون شاسي سي روسيه دن گتيريلميشدي.

قونقادان اولده، دمير يولوندا منصور چاهاراهينان زيبييل و شهرين نوخاله لرین بيغماغا و هابنله چوخورلاري دولدورماغا ايشتيفاده اولوردو کي سونرالار شاسي نين اوستونه اوتاق قوشولدو و شهر ايجينده موسافير داشيماغا دا ايشتيفاده اولدو.

قونقا واگونلاريني تورمولار ي و اريدي و دال قاباغيندا آتلارين جيلوون باغلاماغا يئري و اريدي و قونقا خطين آخيرينه چاتاندا آتلاري قاباقدان آچيب دالي با باغلارديلار.

بو گون قونقا مئيداني او زماندان قالان يادگاردير کي حقيقتده قونقانين آخير ايشتگاهي سايليردي و او منطقه ده قيرميزي رنگه بير ابصطل دوزلميشديلر کي آتلاري اوردا ساخلارديلار.

تبريزين ياشلي جماعتيندن بيري قونقا بيليطي نين ساتماسينا ايشاره انديب دئير: بو بيليطلرين قيمتي هر نفره بير عاباسي (ريالين اوندان بيري) ايددي کي بيليط ساتان كيف ائنده دولانيب ساتاردی.

88 ياشيندا اولان يعقوب عليزاده آرتيرير: هر کس بيليطسيز قونقا مينسه ايددي کي چوخراق اوشاقلار بو ايشي گورديلر سوروجو شاللاغي اينن اولارين اللريندن ائله ووراردي کي نچه هفته يه جن يئري قالاردی.

او بونو دئماغينان کي قونقا تبريزين او زمانکي قيافه سيني بير جور مودرنيزه ائله ميشدي، دئدي: البته او زمانلار هامی قونقا مينمزدی و بو وسیله بير جور لوکس وسیله سايليردي.

عليزاده آرتيردي: 1320-جي ايلين سياسي حاديه لري جريانيندا کي روس قوشونو تبريزه گلدي، قونقا ياواش ياواش ايشدن توشدو.

آما قونقانين ايشدن توشماغي نين اصلي عيلتي بو ايددي کي روسلار چاليشديلار اونو ميکانیکی ائله سينلر آما باشارانماديلار چون کي روسلارين دوزلديقلاري موتورون پروانه سي نين اولماماسينا گوره موتور قيزديردي.

تاريخي سندلر و او زمانني گورن آدمالارين دئديغينا گوره، آز مودتدن سونرا روسلار قونقانين آتلارين آپارديلار و رئيل لر نچه ايل قالديلار و 1324-جو ايلده خيابانلار آسفالت اولاندا اولاري دا بيغيشديرديلار.

بويون، سحرلر گونون چيخماغي اينن تبريز جماعتيني گوزلري قونقا مئيدانيندا کي اولان قونقا موجسمه سينه ساتاشير کي قديم زمانلاردا او اينسانلارين تازا طرحلرين يادا سالير کي اؤز آراميش و آساييشلرين جماعتين ريفاهيندا خولاصه ائله ميشديلر. او کسلر کي ايللر بو بودور توپراق آلتيندا قاليلار آما قالارگي اثرلري جماعتين گوزلرين تومارلير و اولار غورور گتيرير.

قونقا موجسمه سي اصلي سيندن اوندا بير بؤيوک اولاراق تبريزين هونرمند و موجسمه دوزلدي «احد حسيني» نين الي اينن 1382-جي ايلينده دوزلپ و قونقا مئيدانينا قوويلوب.

گوزاريشي يازان: سيدحی مرتضای